

腎囊醫訣卷三

論腎袋瘤十章

腎袋瘤之症罕有遇之發于腎內多結小袋而成爲一
此症生于單膜之內單膜卽變薄其大小多寡不等袋中之
物亦不同或大如黍或大如鵠蛋袋有薄膜膜內或有清水
能透光或似膠水或聚血水時其中皆成瘀血袋周圍皆肉
絲以成之其質堅韌若更大者其袋中間有肉瘤其大亦不
一其形如柿其蒂聚小粒甚多而成爲一其狀略似婦人之

乳袋瘤時或相雜腎中有小粒脆骨其形稍長剖視如蚌珠
剖腎肉視之其小精管列陳于瘤外有全集于瘤上其腎肉
能與瘤分別瘤之外有一堅厚之袋膜瘤若至大其精管之
小者或能盡消初起時附肉無病若瘤更大則附肉愈消
論此症及起時之狀各言不一或云由小精管而起此或可
信之今舉一人而証之使人易曉其人年三十七歲因腎有
腫而就醫七月之前則知之醫者意必爲軟癰不然則爲袋
瘤勸而割之得愈後數年安如常人割後時驗腎肉小精管

盡集于薄單膜之下明其爲袋瘤之症矣更大者之袋其潤
有半寸小者如黍子更多袋中多清水亦有血水亦有血塊
間有白色堅韌者不能透光此袋處有肉絲之中其最中之
處肉絲更多而堅厚以利刀薄切一片以顯微鏡鑒之能見
其袋由小精管凸出而成竭目力能見小精管之末另生一
小袋凸出于精管當中一邊之處或精管未凸出相離有罅
隙或當中凸出兩端尖小剖視袋中之紋方斜不一袋中之
物多黑白點于更大者之袋不能透光以顯微鏡窺之其中

亦方斜不一有似鱗甲不見有如蝌蚪之活物

以此人之病細察其起由精管以其精管之肉色在袋外可知非由最小精管而起苟由最小精管則可獲見最小精管或雜在袋不復見于瘤外其受病之精管必非附肉之精管因是症附肉更常無病或有微消而已假如附肉之精管因是症附肉更常無病或有微消而已假如附肉之精管有是病腎若不受其壓壞必在原處單膜之內不粘連于膜外於是可悟非由小精管亦非由附肉之精管乃係其本質變

成發在隔膜內之精管獨發此處殊爲奇異

極小軟骨瘤初起由于精管或在精管袋內此瘤之形易于擠開由其膜而出間有幼脆骨甚多以故脹裂其袋軟骨之瘤比于袋更大

茲言是症原非有毒曾多割後不復起得活多年其死也多因他症間有此症令醫者頗爲疑慮是言曾有醫者年卅一歲得腎病愈久愈大經十八個月割取而出剖視其腎如平常袋瘤之症中有二處有血少許流出或言此處乃未割

時經針者此人割後常委頓不堪復經六月竟有吐血之症
腰骨疼痛肝經脹大由割後計之經十八月而死剖驗腹內
之核以及肝肺俱有癰疽

醫書言若此症尚有多人由是可知袋瘤有二種一有毒一
無毒有毒者罕見之

若云有毒者非若軟癰之中有雜兩三袋而已但此種之瘤
其袋比他物更多若無以顯微鏡看驗有時不能辨其腎有
毒否初起時其袋甚多惟厥後癰疽長大則壞亡

前文言腎袋瘤中有白色堅硬不透光者此物蓋在有毒無毒之間曾有某者年廿五歲致腎瘤之症醫者割而剖之中有四物有白色有軟癰有脆骨及袋後五月而死驗其腹內之核及肺並多處皆有軟癰

此病間有極大曾遇一人瘤長至五寸濶至三寸又有一人

重至六磅

每磅十
二兩

曾遇一人致此症割而量其周圍有廿二

寸長七寸濶六寸重五磅此瘤累壞其腎囊破裂出如舊炎

此蓋乎書中之最大者

論病形勢

此症初起其腫甚緩不覺其痛苦經數月有似舊瘤長大不速其形如卵按得凸凹而不痛其面更常光滑間有粗澁者有能移動者因其袋外夾膜之中有水少許腫若至大令人重墜不安斯時若不以袋怕之其重墜至腰處拘急酸痛此病多遇于中年之人醫書載三十人致此病其中有廿六人書其年紀由廿歲至四十歲計廿四人惟曾割一小子誕生纔卅月則致此症後經三月而就割或云此症皆撞碍而起

論分別

袋瘤之症或能錯認爲血疝爲水疝爲軟癰以平常水疝較辯易爲明別此症腫形似卵不似梨子捧之畧重動漾不明按其後處全不覺痛不能透光良醫多悞者以套管針刺之惟見血兩三滴而已以血疝而較辯頗有難別因血疝亦畧堅亦畧重動漾仍不甚明亦不能透光然有一法最爲易辯重按其後處不覺有痛前文曾言腎袋瘤與軟癰難以分別因其形爲相似醫者當究其病原視其腎系查腹內之核觀

其身體若何爲袋瘤者腎系及腹內之核皆若平常無異爲軟癰者腎及腹核則有腫其面更常粗澁其大亦畧速

蓋在難別之間不識爲何症可用套管針刺其前面可立知其症如爲血疝抑或水疝卽見其立消若爲袋瘤惟見流水少許而已若爲軟癰有鮮血流出血或多流其腫仍不見消尙有一端可辯套管針抽出有膠稠之物粘于針以顯微鏡視之有癰疽小泡苟欲識其症宜用中大套管針試之若用小套管恐是血疝爲血塊塞住不能流出故不如中大套管

針之妙針傷易愈不爲關要將探試時該用諸器宜先預備
若當割者應就此時不須更待數日

論調理

腎岱瘤之症調理不甚有利益惟一割取之法耳若明知確
爲此症宜早割出割開以顯微鏡照驗若無癰疽之泡斷不
復起

論腎肉絲瘤十一章

前論腎消及炎症之關係或云有時變成肉絲其肉絲一由

單膜所分之線一由小精管一由炎症明汁流入其處間有肉絲鬆軟者曾有某者年四十二歲其左腎左膀外割出視之比平常有大半而已中無小精管惟有白色鬆軟肉絲腎變肉絲堅韌更常其中有水泡

二

三粒者更久則或變如灰

質此種有消少許者有消甚多者間有伸肉絲兩三條而已腎得他症亦如舊炎袋瘤之症其中亦有肉于此袋之症愈久肉絲愈多若早割者見其袋多過肉絲

此章非獨言腎變爲肉絲又非獨言腎肉盡消變成肉絲而

已今將言腎中亦能如他處自生肉絲瘤腎肉漸失而瘤漸大腎肉亦被脹大此症罕有遇之曾致此症者割其腎比平常大二倍袋甚堅硬刀幾不能行割時砧砧有聲其中之肉絲如本白布之色其絲紊亂結成小粒甚多曾有某者年卅七歲身體壯健如常致腎腫經一年長六寸濶四寸瘤與腎俱在單膜之內後亦就割

肉絲之瘤尙有一種有發在腎之處者有某者年十七歲致肉絲瘤由附肉而起經六月之久醫者割其瘤并去其腎腫

由腎系而入腹內復經廿餘天腹內腫大而死由致病時計之僅一年耳剖驗腹內左邊發一巨瘤左膀亦一瘤其大如拳于膈肉肺夾膜小腸之處亦有巨瘤似此有毒肉絲瘤醫書尙有此症

論軟骨瘤十二章

前文言腎袋及軟癰此二種之中間能生脆骨軟癰脆骨有時雜在癰疽之肉然有裹在袋內者更常腎袋小粒脆骨乃散布其中在精管內膈膜之處易爲標出此二種之脆骨非

大關係是爲其次間有腎内生脆骨而腫大斯乃爲關要之病若此之症法蘭西醫士曾割一人權其重二磅半其中皆是脆骨英京醫士載一人症亦若此其人年卅七歲就醫時右腎及系腫大醫者割而愈之但離院以後約廿餘天其身遂衰弱過甚又致痰喘日漸急促復延十天而死當割時驗其瘤皆脆骨線結成爲瘤其線長而圓濶約半分多至二分瘤有胞膜維繫甚鞏單膜之內有薄層小精管陳列巨瘤之上另生一粒其形三角中有片膜隔之不與巨瘤相連但其

線略細脆骨在管中其管蜿蜒互相穿貫此一粒以外又有數小粒脆骨循行于腎系此種病形人可明知其瘤在管內細心剖驗此管係津液管割出後收口而愈由割痕露出兩條津液管上行至腹內之核其核大如雞蛋剖視其中有許多小孔孔內有清水間有隔爲數房其隔皆肉絲及脆骨以成之此瘤與腹內大迴血管相接由是瘤另生一條穿入迴血管其人身體無恙惟肺生脆骨腫脹極大秤其重十一磅半此症初起由膈膜津液管一處先發後蔓延他處但腎脆